



## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1655**

§. 265. Illi autem abeuntes munierunt sepulchrum. v. 66.

**urn:nbn:de:hbz:466:1-45515**

**D**omine Iesu, vbi tu es ibi error non est. omnia enim in sapientia ordine & mensura facis quæ facis & fecisti: non ita Iudæi, non gentiles, non Mahometani, non denique Hæretici & Schismatici faciunt. Semper hirrant corde: & nouissimus illorum error semper eis fit & nascitur priore peior. Patet hoc ex ipsiusmet Lutheranorum actis, patet ex Calvinistatum attentatis. Benedic̄tus tu Domine, qui longe alio spiritu tuo Ecclesiam Catholicam regis, quam isti. Etsi enim persecutiones graues & insidias patitur tua Ecclesia sancta, illa tamen magis per has ipsas glorificatur, non infatuatur. Nuper capi tentare ecclesiam falsa doctrina nomine Episcopi supposita, luctata est X. annos, cum falsis fratribus, gloriose vicit, duce innocentio X. uti alias sub eius prædecessoribus, & porro sub eo qui nunc nos ducit Alexandro VII, vincet.

§. 264. Ait illis Pilatus: Habetis custodiam, ite & custodite sicut scitis. v. 65.

Quasi diceret: Ecce manipulus militum praesto est, ite, facite; vel Principes, militem stipendio ciuitatis si habetis bene est, ego Romanus non sum ita fatuus, uti vos: ego nolo ad id applicare militem Romanum, vocationem mortuum.

**D**omine Iesu Christe verum est verbum tuum quod peccatores commandant linguas suas; ecce Iudæi & Pilatus rei mortis tuæ, ipsi commandant se: se mutuo affligunt, se mutuo subsannant, libi detrahunt, libi inuicem nocent; mutuo gaudent de malis suis; sed non ita spiritus tuus operatur, iste facit, ut agnus accubet cum lupo, & ovis cum leone. Spiritus tuus efficit gaudium, pacem, caritatem, patientiam, prudentiam & dona, in quibus omnibus benedico te, quia istis ditas populum tuum quem elegisti, extra quem qui sunt, ecce isti commandant se.

§. 265. Illi autem abeuntes munierunt sepulchrum. v. 66.

Illi scilicet Judæorum Principes accepta potestate à præside dicente: Ite, custodire cum applauulo quasi certi de victoria super Christo excogitant alium modum quo Christum mortuum & in sepulchro clausum detinere valeant: quid ergo moluntur? muniunt sepulchrum custodibus circumcastra armatis, quasi Christi potentia vel non posset vel non auderet pertinere obices & ianuis clausis exire, spectantibus etiam & renitentibus militibus, & quidem cum gloria & triumpho. O cæci! Ite nunc & custodite quem antea reprobauitis & extra ciuitatem eieciatis. Frustra. Sagittæ parvulorum factæ sunt plagæ eorum.

**A**maniſſime Iesu malitiose increduli Principes laborant ut tuam relutionem impediāt, unde quaque enim ponunt custodiam ad tuum sepulchrum,

sepulchrum; ne inde vel furto tolli vel exire ipse possis, ego vero credo omnipotentiam tuam & amore tui ille etus aliter cupio te in sepulchro manere, nempe cordis mei, & rogo te piissime ne inde vel exire velis vel co- garis, ideo stadebo munire omni custodia cor meum, & vndeque vallare virtutibus, Tu succurre, tu iuuia, tu da gratiam adhuc obsecro, ut nunquam cor meum vel deserere velis vel elongari ab ipso Deus meus.

§. 266. Signantes lapidem cum custodibus. v. 66.

Vt igitur nulla remaneret suspicio vel occasio suffurandi corpus Iesu siue per milites custodientes, siue per discipulos Christi, admodum lapidem grandem ad ostium monumenti sigillo ciuitatis vel senatus & manibus quidem proprijs munierunt, & aposuerunt custodiam militum præcipientes vti vigilarent diu noctuque nec permetterent ulli accessum.

Cæci! siccine putatis infringere potestatem & virtutem diuinam, vt lapide sigillato non possit operari quando voluerit; dixit ille & facta sunt omnia, dixit fiat lux & facta est, fiat firmamentum & stellæ, & omnes creaturarum species, & factæ sunt ad verbum eius, & non creditis, quod ad verbum eius, aut voluntatem solum hic lapis resulteret, & locum dabit creatori suo resurgentis; aut non creditis illum, per quem omnia sunt, non habere virtutem se excitandi a morte? in cuius ergo virtute excitauit Lazarum quatriduanum & iam factentem? potuit ipse in alio exercere suam virtutem, in se non poterit; Erratis, nonne dixit tertia die resurgam, ad quid ergo custodiam ponitis, & lapide sigillato impedire conaminieius resurrectionem: nolite in eum finem sic eum custodire, male enim sic custoditis, & contra omnia potentem frustra laboratis.

Bone Iesu malitiose te custodire cupiunt Iudæi, ego sincero mentis affectu cupio te & bene custodire in sepulchro cordis mei primum præsentem per gratiam iustificantem, deinde specialissimè per Sanctæ Eucharistiae participationem, denique per gloriæ concessionem post hanc vitam, quis mihi dabit tale sigillum & gratiam ut semel positum in corde meo sic te custodiam, vt inde exire non possis; sed maneas æternum? Ne mo Domine nisi tu qui solus potes: pone ergo te vt signaculum super cor meum.

## RESVRRECTIO DOMINI N. I.

Christi secundum Matthæum.

§. 267. Vespere autem Sabbathi quæ lucebat in prima Sabbathi. v. 1.

**Q**uid Euangelista per tempus vesperarum Sabbathi indicare voluit? n̄ si quod vespere Sabbathi hoc est iam præterito Sabbatho Paschalis festi,